





## Акафист

# святому Ангелу, неусыпаемому хранителю человеческия жизни

### Кондак 1

Избранный от Господа Бога на хранение души моея и телесе, святыи Ангеле, похвальная ти воспевати дерзаю, недостойный раб твой; ты же, яко имеяи дерновение к Царю Небесному, от всяких мя бед и скорбей, от враг видимых же и невидимых защити, зовуща:

Радуйся, Ангеле Господень, неусыпаемый хранителю мой.

### Икос 1

Ангеле святыи, посланныи с Небесе, во еже хранити мя и руководити во всей жизни моеи, припадая молю ти ся: сам настави и вразуми мя, начинающа от сердечныя любве и усердия возглашати песенныя ти хвалы:

Радуйся, Ангеле Божий, представителю мой у Пресвятыя Троицы;

радуйся, Царя царствующих безплотный воине.

Радуйся, Гóспода господствующих небéсный  
слугó;

радуйся, умных и невещéственных слуг Его  
сожителю.

Радуйся, творяй прísно волю Влады́ки своего́;

радуйся, приéмый от Бóга повелéние и власть  
хранити дúшу мою.

Радуйся, никогда́же отлуча́йся мене́, грéшнаго;

радуйся, вы́ну спребыва́яй ми, недостóйному.

Радуйся, соблюда́яй мя на всех путéх мо́их;

радуйся, сохраня́яй мя от всякаго зла.

Радуйся, от Бóга да́нный ми руководи́телю на  
путéх жития́ моего́;

радуйся, благий мой наста́вниче.

Ра́дуйся, Ангеле Господень, неусыпа́емый  
хранителю мой.

## **Кондак 2**

Ви́дев человеколюбивый Господь, яко, по  
прегрешéнии праотца нашего Адама, вси  
челове́цы удо́бь прекло́нни суть ко греху, по  
Своей неизречéнной милости послал есть во всю

землю святых Ангелов и коемуждо от человек приста́ви хранителя. Исполняюще убо повеление Влады́ки своего, святѣи Ангели всегда готови суть помогáти нам, богоугоднó поющим: Аллилу́ия.

## **Икос 2**

Разуму моему просвещение свыше исходатайствуй, святы́й Ангеле, да возмогу познáти, что есть воля Божия, благая и угодная и совершенная, и сердце мое направи, еже со усердием творити ю; тебе же, хранителя моего, да не престану восхваляти сицевы́ми гласы:

Радуйся, воспламеня́й сердце мое любовью к Богу, Создателю моему;

радуйся, возбужда́й мя на всяк день же и час приносить Ему молитвы, прошения и благодарения.

Радуйся, якоже стражем верным, страхом Господним душевный мой дом огражда́й;

радуйся, вся помышления моя к распятому за грехи мира Спасителю устремля́й.

Радуйся, страдания Его и крестную смерть в память мою вперя́й;

раду́йся, воспо́минанием Страстей Господних  
блюсти́ся от грехов мя поуча́яй.

Раду́йся, благода́тнаго свы́ше осенения Святаго  
Духа проси́ти мя наста́вляяй;

раду́йся, яко на кроткия то́чию и смиренныя  
сердцем ми́лостивне призира́ти Е́му,  
Уте́шителю, уверя́я мя.

Раду́йся, мыслию о вездесу́щии Божии всюду  
о́кружа́яй мя;

раду́йся, всеве́дение Е́го умным очесем моим  
предста́вляяй.

Раду́йся, милосе́рдием Е́го к каю́щимся  
грешником сердце мое́ утеша́яй;

раду́йся, правосу́дием Е́го к ожесточе́нным и  
нераска́янным ду́шу мою́ устраша́яй.

Ра́ду́йся, Ангеле Госпо́день, неусыпа́емый  
храните́лю мой.

### **Кондак 3**

Си́лу Боже́ственныя благода́ти испроси́ ми,  
храните́лю мой Ангеле, во еже неуклонно и  
непреткнове́нно ходи́ти ми спаси́тельным путе́м  
Христовых заповедей, сердцем же и усты́

непрестанно славити всесвятое имя Бога нашего и пети Ему: Аллилу́ия.

### **Икос 3**

Имам тя, богоизбранный покровителю мой, якоже светлую зарю, просвещающую души моея темноту и разгоняющую мрак сердечного неведения моего; сего ради, со умилением припадая, молю ти ся, да и вся моя чувства, потемненная страстьми, очистятся, во еже не блуждати ми во тьме греховней. Пречудную же светлость твою воспеваю сице:

Радуйся, звездó Невечерняго Света, от трисияннаго Божества возсиявшая и мене выну озаряющая;

радуйся, пресветлая луче, помраченная грехми сердечная ми очеса осиявающая.

Радуйся, яко тщишия направить мя на истинный путь во тьме беззаконий заблуждающего;

радуйся, яко предлагаеши ми заповеди Господни, аки зеркало для всея жизни моея.

Радуйся, яко поставляеши ми закон Божий, аки светильник ногам моим и свет стезям моим;

раду́йся, я́ко сло́вес Ева́нгелия Христо́ва в  
сладо́сть послу́шати поуча́еши мя.

Раду́йся, я́ко учению́ Божественна́го Учи́теля  
моего́ и Господа́ несумне́нно веровати́  
побужда́еши мя;

раду́йся, я́ко в повинове́нии уставомъ́ святы́я  
Церкви́ укрепля́еши мя.

Раду́йся, я́ко правиломъ́ и преданиемъ́ святы́х  
апосто́л и о́тецъ́ покаря́тися наста́вляеши мя;

раду́йся, я́ко во испове́дании́ святы́я и  
право́славныя́ веры́ утвержда́еши мя.

Раду́йся, я́ко за́ сие́ испове́дание и на сме́рть  
гото́ва мя бы́ти убежда́еши;

раду́йся, я́ко ерети́ком и отступни́ком исти́нныя́  
Церкви́ сообщатися́ возбрана́еши ми.

Раду́йся, Ангеле́ Госпо́день, неусыпа́емый  
храните́лю мой.

#### **Кондак 4**

Бу́ря жите́йскаго́ моря́ сокруша́ет духо́вный мой  
кора́бль волна́ми ми́рскихъ́ попече́ний, и ми́р  
убогия́ души́ моея́ мятётся, и где́ обря́щу́ тихое́  
приста́нище спасе́ния? Токмо́ на́ тя по́ Бозе́  
возлага́ю наде́жду, храните́лю мой Ангеле́, я́ко

премудраго тя ко́рмчаго в мысленных бурях,  
смущающих мя, стяжа́х: благодарственне убо  
пою Богу моему: Аллилу́ия.

#### **Икос 4**

Слы́шаще и зря́ще тя, божественный Ангеле,  
крепкаго моего блюстителя, зло́бнии ду́си  
поднебе́снии не смеют приблизитися ко твоей  
пречистей светлости и душегубительная ми  
па́кости де́яти. Сего ради смиренно молю тя: не  
отступи от мене за невоздержание мое, но  
присно от лукаваго тех ловительства и ко́зней  
соблюдай мя, со умилением глаголюща:

Радуйся, крепким кровом крил твоих остеня́й  
мя и покрыва́й;

радуйся, о́крест мене с пламенным мечём  
присно ополча́йся.

Радуйся, проти́ву князя тьмы во бра́ни ми  
пособству́яй;

радуйся, лукавых его служителей побеждати ми  
помога́й.

Радуйся, отгоня́й от мене душепа́губныя  
демоны, аки хищныя птицы;

раду́йся, вразумля́й мя бесовския ко́зни  
познати, аки лукавыя лисицы.

Раду́йся, зверообра́зная тех на ум и сердце мое  
нападения отревая́й;

раду́йся, порождения их, гордость и ненависть,  
из сердца моего исторгая́й.

Раду́йся, зависть и злопомне́ние от мыслей моих  
прогоня́й;

раду́йся, во отражение злых помыслóв крестным  
зна́мением себе огра́ждати побуждая́й мя.

Раду́йся, на а́спида и васили́ска небоязненно  
наступати укрепля́й мя;

раду́йся, имей непобедимое оружие протíву  
всех врагов моих.

Раду́йся, Ангеле Господень, неусыпа́емый  
хранителю мой.

### **Кондак 5**

Боготéчней и лучеза́рней звезде, путево́дившей  
дрéвле волхвы́ на поклонение ро́ждшемуся в  
Вифле́еме Спасителю мира, дерзаю уподо́бити  
тя, благи́й мой хранителю: неотлучным бо и  
светоносным твоим ми спребыва́нием указу́еши  
ми правый путь, веду́щий в Го́рний Вифле́ем, в

Небѣсное Цѣрство, да тамо с лики Архангел и Ангел сподоблюся воспевати Превѣчному Царю Славы: Аллилуія.

## Икос 5

Ви́дя мя но́щию содержима мрачною и темным облаком страстей покрываема, святы́й хранителю души моея, не огорчися, не остави мене, но подража́яй долготерпению Спасителя моего, пожди еще, возбуждая мя к покаянию, до́ндеже очеса́ моя излию́т источники слез на омы́тие душевныя нечисто́ты моея. О сем смиренно молю́ тя и глаголю́:

Радуйся, яко вы́ну прино́сиши Богу о мне грѣшнем молитвы своя, яко кади́ло пред Ним благово́нное;

радуйся, яко присно ходата́йствуеши пред Создателем моим о е́же спасти́ся ми.

Радуйся, яко праведный гнев Его, дви́жимый на мя, своим предста́тельством отвраща́еши;

радуйся, яко просиши всеми́лосердаго Господа подати прощение злых моих деяний.

Радуйся, яко уми́лостивля́еши Его благость, да не погуби́т мя со беззаконьми моими;

раду́йся, яко непреста́нно мо́лиши́ся  
Иску́пите́лю моему́, да да́рует ми вре́мя ко  
испра́влению.

Раду́йся, яко возбужда́еши мя в покая́нии  
препрово́дити вся дни́ живота́ моего́;

раду́йся, яко внуша́еши ми жела́ние, да вы́ну  
каю́ся пред Го́сподем во всех моих  
прегреше́ниях.

Раду́йся, яко вразумля́еши мя на всякое вре́мя  
мысленно́ себе испы́товати́ и во гресех моих  
испове́даться;

раду́йся, яко вла́гаеши в сердце́ мое сокруше́ние  
и скорбь, зане́ прогневах Преблага́го Бога́ моего́.

Раду́йся, яко побужда́еши мя оплакива́ти  
окая́нное и скверное́ житие́ мое;

раду́йся, светоносный́ и неумолка́ющий хода́таю  
спасе́ния моего́.

Раду́йся, Ангеле́ Госпо́день, неусыпа́емый  
храните́лю мой.

### **Кондак 6**

Пропове́дую велегласно́ прі́сное тво́е, храните́лю  
мой Ангеле́, о мне́, грешнем, попече́ние: в  
ско́рбех бо́ и напáстех, я́же в сем

многоя́тэжнем мире смущает мир ду́шй моея́,  
явля́еши ми ся скорый утёшитель, вразумля́я мя,  
яко вся сия низпосыла́ются от премудраго  
Создателя, аки врачевство́ противу душевных  
недугов моих, и поучая́ благоде́ющему сице  
Небесному Врачу воспевати: Аллилу́ия.

## **Икос 6**

Воссиява́ет в ду́шй моей, омрачаемой скорбию и  
унынием, свет благода́тнаго утешения, и сердце  
мое исполняется веселия и радости, егда  
непреста́нными твоими, святы́й Ангеле,  
наставлении возбужда́ем дерзаю, яко мыта́рь,  
вопити к щедрому Богу, да милостив будет и  
простит ми прегрешения моя. Не премолчи убо,  
наставниче мой, вразумля́я и укрепля́я мя,  
зовуща ти:

Радуйся, помога́й ми благий яре́м  
спасительнаго терпения с любовью носить;

радуйся, в беда́х и заключениях упованием на  
Господа Бога укрепля́я мя.

Радуйся, скорби и болезни мужественне  
преодолева́ти мя поуча́яй;

радуйся, всякую печаль и уныние от сердца  
моего отгоня́яй.

Радуйся, протіву врага, в сеть отчаяния уловить  
меня хотяща, браться побуждай мя;

радуйся, словесем апостола, яко вси хотящии  
благочестно жити гоними будут, веровати  
убеждай мя.

Радуйся, образ терпения и злострадания прияти  
ми пророки и апостолы внушай;

радуйся, на лик мученик и исповедник, за  
Христа до излияния крове своея подвизавшихся,  
во утешение ми показуй.

Радуйся, страдания Самого Спасителя и Господа  
вину умным очесем моим представляй;

радуйся, надеждою будущего воздаяния сердце  
мое услаждай.

Радуйся, всерадостным ожиданием вечных благ  
душу мою оживляй;

радуйся, благий и присный мой утешитель.

Радуйся, Ангеле Господень, неусыпаемый  
хранителю мой.

## **Кондак 7**

Хотяй всем человеком спастися, премилосердый  
Создатель мой посла Тя, Ангела Своего, яко

верна ми стража и пестуна добра во всем житии моем, да всюду вспомоществуеши ми святыми твоими вдохновении, защищаеши противу козней диавола и предуготовляеши мя дела благими внити с мудрыми девами в Небесный Чертог, с богокрасною песнию: Аллилуия.

## **Икос 7**

Новую показует благость Господь и Владыка мой на мне, непотребнем и паче всех грешнейшем рабе Своем: презирая бо лютая моя и тяжкая, не погубил мя есть со беззаконьми моими даже до настоящего дне и часа, но долготерпя на мне, милостивне ожидает моего обращения и сердечного покаяния. Верую, благий хранителю мой, яко твоим присным пред Богом за мя ходатайством доселе храним есмь: темже, любовь к тебе подвижаемый, взываю:

Радуйся, яко обуреваемаяся мя в мори жития сего от конечного потопления соблюдаеши;

радуйся, яко из рова беззаконий моих рукою твоея помощи мя исхищаеши.

Радуйся, яко греховный сон душевредный моя лени отрясаеши;

радуйся, яко ум мой, омраченный небрежением, светлым твоим присутствием озаряеши.

Радуйся, яко хладное и мало не угасшее сердце мое молитвами воспламеняти ми помогаеши;

радуйся, яко на славословие Божие присно мя возставляеши.

Радуйся, яко настрояеши глас мой к песнопениям, имиже достойно и праведно есть хвалити Творца всяческих;

радуйся, яко поучаеши мя прославляти Господа моего не усты́ то́чию, но и сердцем.

Радуйся, яко ко исполнению пресвятыя воли Его возбуждаеши мя;

радуйся, яко самоотвержению и отречению моея злыя воли приобучити мя тщиши.

Радуйся, яко глубину, простоту и агнчу кротость стяжати ми преискренне желаеши;

радуйся, яко о еже младенческому незлобию и старческому доброрассуждению дароватися ми ходатайствуеши.

Радуйся, Ангеле Господень, неусыпаемый хранителю мой.

## Кондак 8

Стра́нен и пришле́ц есмь на землѣ сей: житіе мое суетно и мало́временно е́сть; аз же, окая́нный, сме́рти безвѣ́стное во умѣ́ никогда́же прие́млю, ни помышляю́ о Стра́шном Суди́щи, в немже́ има́м Паве́дному Суди́и предста́ти и да́ти отве́т о вся́ком де́ле же и сло́ве. Темже́ молю́ тя, ду́ши моя́ храните́ля, возбу́ди мя ско́ро от сна́ греховна́го, да не пости́гнет мя ча́с сме́рти неиспра́вленна и да сподо́блюся испроси́ти от Всеми́лостива́го Бога́ беззаконіем моимъ́ прощени́е и во гласе́ ра́дования́ воспева́ти Ему́: Аллилу́ія.

## Икос 8

Все́х Госпо́дь и Созда́тель мой, егда́ назна́менует ми́ предста́виться́ от житія́ сего́, ты, благи́й храните́лю мой, прови́дѣй грозны́я му́ки, духо́вом зло́бы и нераская́нным грешни́ком угото́ванны́я и мене́ ожида́ющія, покрѹ́й мя твое́го милосе́рдія крила́ми, я́коже оре́л птенцы́ своя́, и внигда́ исче́зати от мене́ духо́у моему́, да узрю́ тя бли́з мене́ предста́юща́ и лю́тыя враги́ отгона́юща. О семъ́ со уми́лением мо́лю ти́ ся, веща́я си́це:

Ра́дуйся, умны́м очесе́м моимъ́ горьки́й и стра́шный ча́с сме́ртный предста́вля́я;

раду́йся, я́ко неизбе́жен, вкúпе же и безвѣстен  
час той присно ми напоми́наяй.

Раду́йся, на кийждо день а́ки уже на последний  
жития моего взирати мя поуча́яй;

раду́йся, на всякое время ко исходу во ин мир  
мя приуговля́яй.

Раду́йся, душевное умиление и сердечное  
сокрушение во мне рожда́яй;

раду́йся, вы́ну желаяй ми, да поне́ при кончине  
дней моих покаюся.

Раду́йся, люби́ти мир и яже в мире ми  
воспреща́яй;

раду́йся, пристра́стие к тленному богатству из  
сердца моего искореня́ти помога́яй.

Раду́йся, вся блага́ земная быти привременна и  
скоропреходя́ща ми показу́яй;

раду́йся, я́ко вся красная мира сего крину́  
се́льному подобна суть, вразумля́яй мя.

Раду́йся, славы́ челове́чи, аки тени преходя́щая,  
искати возбра́няяй ми;

раду́йся, от единого́ Бога славы́ нетленны́я в  
будущем веце́ взыскати побужда́яй мя.

Ра́дуйся, Ангеле Госпо́день, неусыпа́емый храните́лю мой.

### **Кондак 9**

Вся́к грех соде́ях в жити́и сем, и весь живо́т мой во мно́зе претек су́ете, к концу́ прибли́жился: врази́ же мои́ устремля́ются на мя, а́лчуще по́йти мя и низри́нути во глуби́ну а́дову. Темже мо́лю ти́ ся, благи́й мой храните́лю, бу́ди ми защи́титель, егда́ има́м преходи́ти лю́тая мыта́рства, и безбе́дно доведи́ мя до врат Небесна́го Царства́, иде́же ли́цы анге́льстии радостне́ сретáют восклицáющих: Аллилу́ия.

### **Икос 9**

Витийству́ющий язы́к не может изре́щи, яже сотвори́л ми еси́, святы́й храните́лю мой, во всем жити́и моем: прие́м бо ду́шу мою́ от купели́ свята́го креще́ния, храни́л мя еси́ во младе́нчестве, учи́л и вразумля́л еси́ во о́трочестве, соблю́дал мя еси́ от по́ползновения ко грехом в возрас́те юно́шеством, наста́влял еси́ прише́дша мя в мужество, охра́нял еси́ на всех путех мои́х даже́ до старости́, обли́чая и утешая́, всюду́ помога́я и напра́вляя на путь спасе́ния. Сего́ ради́ благода́рственне́ вопию́ ти:

Раду́йся, я́ко никогда́же лишаеши́ мя твоея́ по́мощи и заступле́ния;

раду́йся, я́ко от сна востаю́ща мя подвиза́еши ко благода́рению Го́спода, укрепля́ющаго силы́ моя́.

Раду́йся, я́ко начаток коего́ждо дне моли́твою освяща́ти мя поучаеши́;

раду́йся, я́ко воспреща́еши ми без моли́твы к всеблагому́ Про́мыслителю дерзнове́нно собою́ что начинати́.

Раду́йся, я́ко самонаде́яние из сердца́ моего́ истребити́ тщи́шися;

раду́йся, я́ко сладчайшее́ имя́ Го́спода Иису́са Христа́ усты́ непрестанно́ произноси́ти и во уме́ держати́ мя побуждаеши́.

Раду́йся, я́ко во всякое́ время́ ну́жная то́чию и полезная́ веща́ти язы́ком ми внушаеши́;

раду́йся, я́ко от праздно́словия, многоглаго́лания, паче́ же и кощунства́ мя удержава́еши.

Раду́йся, я́ко яду́щу и пию́щу ми или́ ино́ что творя́щу присно́ спребываеши́;

раду́йся, я́ко воздержанию́ в пи́щи и пи́тйи приобучи́ти мя пече́шися.

Радуйся, яко спяща мя хранити и врага, хотяща искусити мя сонными мечтаниями, отгоняеши; радуйся, яко воспящаеши мя от любострастного стремления и во очию моею целомудренный стыд влагаеши.

Радуйся, Ангеле Господень, неусыпаемый хранителю мой.

### **Кондак 10**

Спасти всех пришедый Иисусе мой преблагий, со умилением молю Ти ся, Твоим милосердием прости моих злых премоужество и безмерие, преклоняемый на сие божественными мольбами Твоего невещественнаго служителя, егже ми приставил еси из младенства, яко Человеколюбец, хранителя: да достоин явлюся внити в чертог славы Твоея и со духи праведных воспети: Аллилуия.

### **Икос 10**

Стена тверда присно являеши ми ся, святыи Ангеле, противу ухищрений злобных врагов моих, ищущих вечныя погибели моея и расслабляющих душу мою лению и самозабвением. Молю убо тя, хранителю мой, да твоим ходатайством сподоблюся при исходе души моея из телесе причастник быти

пречистаго Тела и святейшия Крѡве моего Спасителя, яко да, укрепився сею нетленною пищею и животворящим питиём, безтрепетно прейдѹ во ин мир, воспевая тя, моего благодетеля:

Радуйся, яко дана ти есть власть и сила отражати дѣмонская на мя нападения;

радуйся, яко приял еси от Бога крепость на побеждение невидимых врагов моих.

Радуйся, яко от всякаго злодейства и козней дьявольских могій избавити мя;

радуйся, яко горьких мытарств начальника, лютаго миродержца нападения от мене отрѣваеши.

Радуйся, яко, ограждаемый твоим присутствием, имаю надежду в час смерти не устрашиться мрачных лиц духов злобы;

радуйся, яко хранимый тобою, уповаю безбедно преити воздушная мытарства.

Радуйся, яко укрепляемый твоею помощию, чаю не удержан быти вне врат райа, ми вожделеннаго;

раду́йся, я́ко твое́ за мя предста́тельство си́льно  
есть пред Бо́гом, е́же не вве́ржену ми быти во  
тьму кроме́шную.

Раду́йся, я́ко присно внушаеши ми  
уми́лостивляти́ Господа́ слезами́ покая́ния, да  
избавлю́ся ге́енны адския́;

раду́йся, я́ко побуждаеши мя день и но́щь  
моли́тися, да не послан буду́ со демоны́  
мучи́тися.

Раду́йся, неотступный мой руководи́телю и  
пе́стуне;

раду́йся, крепкий мой засту́пниче и скорый  
помощни́че.

Раду́йся, Ангеле́ Госпо́день, неусыпа́емый  
храни́телю мой.

### **Кондак 11**

Пе́ние сие, а́ще и от усердия́ моего́ ти  
приноси́мое, святы́й храни́телю мой, вем, я́ко не  
довольно́ есть ко изъявлению́ моего́ сердечнаго  
благодарéния за вся́ благая́, яже ми сотворил еси́  
и не престаéши творити́ даже́ до сего́ дне и  
часá; но и о сем мо́лю ти ся́, общаго́ ми с тобою́  
Создателя́ уми́лостиви, да на Страшнем Суде́

Своём шу́ия части избавит мя и сподобит со всеми святыми воспевати Ему: Аллилу́ия.

## **Икос 11**

Свети́льник мой угасе́, е́лея же благих дел, во еже возжещи́ и, несть ми; и где обря́щуся аз, окаянный, сном греховным отягченный, егда постигнет мя внезапно полу́нощь, час кончины моя? Но да не услышу и аз, якоже юро́дивыя девы, грозного гласа Жениха: не вем тя! Помози́ ми, неусыпаемый хранителю мой, наполнити сосуды ду́ши моя е́лем благих дел, па́че же милосердия и смирения. Ныне же приими́ от мене си́е пение:

Радуйся, Единого Господа имети в разуме присно ми внуша́яй;

радуйся, заповедь о любви к Нему, преблагому, в сердце моем обновля́яй.

Радуйся, любити Его, Создателя, всем умом и всем помышлением мя побужда́яй;

радуйся, и к ближним искреннюю любовь мою богоу́годну быти непрестанно ми напомина́яй.

Радуйся, любити их не словом или язы́ком, но делом и истиною мя поуча́яй;

раду́йся, во всех ну́ждах их помога́ть желание́  
ми влага́яй.

Раду́йся, утешати скорбя́щих, заступати  
оби́димых мя наста́вляяй;

раду́йся, от имени́ своих уде́ляти бедным и  
неиму́щим сердце мое прекло́няяй.

Раду́йся, и ду́шу мою, по заповеди Спасите́ля,  
положити за дру́ги своя́ готову́ ми бы́ти  
возбу́ждаяй;

раду́йся, закрыва́яй очеса́ моя, еже не зрети́ ми  
прегрешения́ брата́ моего́.

раду́йся, не попу́ща́яй ми осуждати́  
поползну́вшего на грех бли́жняго моего́;

раду́йся, воспреща́яй ми я́ти веру́ оглаго́льником  
клеврета́ моего́.

Раду́йся, Ангеле́ Госпо́день, неусыпа́емый  
храните́лю мой.

## **Кондак 12**

Благода́ть дана́ ти е́сть от Всемо́гущаго Господа́,  
святы́й покровите́лю мой, еже хранити́ мя на  
всех путе́х моих, да не о ка́мень ко́его́ соблазна́  
преткне́тся нога́ моя, до́ндеже мя представиши́

Христу Богу спасена, Ему же немолчно вся Силы Небесныя зывают: Аллилуия.

## Икос 12

Пою Твое досточудное милосердие и многое снисхождение, быстродвижный уме, безплотный слуго Господень: яко не гнушаешия греховныя моея смрадности и не престаеши приносить о мне, непотребнем, святыя молитвы своя ко святейшему престолу Триипостаснаго Бога, еже не погибнути ми во веки, но Царствие Небесное наследовати. Благоволи убо прияти от душевных сокровищ моих приносимое ти песнопение:

Радуйся, яко воспоминанием грядущаго грознаго Суда Божия от грехов мя отреваеши;

радуйся, яко душу мою, аки невесту, ко сретению прекраснаго Жениха Христа предуготовляти возбуждаеши мя.

Радуйся, яко присно желаеши достойна мя сотворити брачнаго чертога Его;

радуйся, яко выну учиши мя возжигати светильник души моея, да с мудрыми девами, душами праведных, вниду вонь.

Радуйся, яко греховныя одежды моея совлачitisя побуждаеши мя;

раду́йся, я́ко в ри́зу непоро́чности и чи́стоты  
обле́щи́ся ми спо́бствуеши.

Раду́йся, я́ко хо́дата́йствуеши, да на Стра́шном  
Су́де Хри́стовом одесну́ю Его́ ста́ти спо́доблю́ся;

раду́йся, я́ко умоля́еши благоу́тро́бие Бо́жие, да  
ли́ку избра́нных Свои́х сопри́чтет мя.

Раду́йся, я́ко подвиза́еши на моли́тву ко Го́споду  
и сожи́телей твои́х небе́сных, да всели́т мя с  
ними́ во Цар́ствии Сво́ем;

раду́йся, до́брый и бо́дрый блюсти́телю мой.

Раду́йся, те́плый о мне́, греш́нем, моли́твенниче  
и бла́гий предстате́лю;

раду́йся, по Го́споде Бо́же и Пресвя́тей  
Богоро́дице кре́пкое мое́ упова́ние.

Раду́йся, А́нгеле Го́споде́нь, неусыпа́емый  
храни́телю мой.

### **Кондак 13**

О пресла́вный и умный́ све́те, А́нгеле Бо́жий!  
Приими́ благода́рственное́ сие́ и моле́бное пение́,  
и, егда́ има́м от земли́ востати́ на Су́д, покажи́  
тогда́ ми́лосердие́ твое́ на мне́, греш́нем:  
предста́ни бли́з мене́ тих и радостен, наде́ждою  
спаса́ния отъе́мля́ страх мой, да в селени́их

райских сподоблюся вкúпе с тобою во веки веков воспевати превéчному Царю Славы: Аллилу́ия.

Сей конда́к глаго́лется три́жды.

И па́ки чтéтся 1–й и́кос и 1–й конда́к

### **Молитва**

О святы́й А́нгеле, храните́лю и покровите́лю мой благи́й! С сердцем сокрушенным и душою боле́зненною предстою ти, моляся: услыши мя, грешнаго раба своего (*имя*), с воплем крепким и плачем горьким вопиющаго: не помяни беззаконий моих и неправд, имиже аз, окаянный, прогневаю́ тя по вся дни и часы, и ме́рзостна себе творю́ пред Создателем нашим Господем; явися мне милосерд и не отлучайся мене, сквернаго, даже до кончины моея; возбуди́ мя от сна греховнаго и посóбствуй молитвами твоими прочее время живота моего без порока преити́ и сотворити плоды достойны покаяния, па́че же от смертных падений греховных соблюди мя, да не погибну во отчаянии, и да не порадуется враг о погибели моей. Вем воистину и усты́ испове́дую, яко никтоже таков друг и предстатель, защититель и поборник, якоже ты, святы́й Ангеле: предстоя́ бо престолу Господню, молишися о мне, непотребнем и па́че всех

грешнейшем, да не изымет Преблагий души моея в день нечаяния моего и в день творения злобы. Не престай убо умилоствляя премилосердаго Господа и Бога моего, да отпустит согрешения моя, яже сотворих во всем житии моем, делом, словом и всеми моими чувствами, и имиже весть судьбами да спасет мя, да накажет мя zde по неизреченной милости Своей, но да не обличит и не истязет мя онамо по нелицеприятному правосудию Своему; да сподобит мя покаяние принести, с покаянием же божественное причащение достойне прияти – о сем паче молю и таковаго дара всеусердно желаю. В страшный же час смерти неотступен буди ми, благий хранителю мой, прогоняя мрачныя демоны, имущия устрашити претрепетную душу мою; защити мя от тех ловления, егда имам преходити воздушная мытарства, да храним тобою, безбедно достигну рая, ми вожделенного, идеже лица святых и горних Сил непрестанно восхваляют всечестное и великолепое имя в Троице славимаго Бога, Отца, и Сына и Святаго Духа, Емуже подобает честь и поклонение во веки веков. Аминь.



**ПОЛНЬІЙ  
АКАФИСТНИК  
КАНОНИЧЕСКІЙ**

**АКАФИСТЫ  
КО ГОСПОДУ БОГУ  
ПРЕСВЯТОЙ  
БОГОРОДИЦЕ  
АРХАНГЕЛАМ  
И АНГЕЛАМ**

**І**

**НОВОЕ  
НЕБО**